

Оласнэ

Эки дая дерэ дьдигун Оласнэ нгаа ниу?

Тоннэду? энчу? чики оласнэ пиипизу? ингузу? пиисо?

То дьдигун нгобулоз энъчу? усубич.

Анир тойн нгулиушь усуза анир той инон нгулиушь усуза.

Оласнэ пиич чикиз тохоз.

Куныз оласнэ дюри нода? ань наби дят, корсыза дят ань со?о.

Нгоб энчил чи нгулиушь усубэй нгаа? ниу?

Дерную мекон вуни эз?

Кадяшь каниби.

Ниизэ тонэйби?

Дягузахада чи оласнэ той нгаа? ниу?

Оласнэ этау ет ани торь тодае энъчи?

Чикиз тохоз чи нэ кадай нгаа ниу?

Ниизэ чикун дярашь кас/?

Ээду? кадеза.

Чи нэр леукуза леу, дяруза дяру.

Муга мин пери/ кадабиза.

Тоннэда тохоз казэи лехешихоз меби мета тонейби чикир.

Тонну? чики мекида покудыбиза.

Чики нэр пиис? незау, ингеза пиис?: торь тодае омули.

Тон нгуль сойза понингаза мань.

Незда му? незау - морсыс? незау.

Нгуль сойзан понингаза, чики нэр пиид ниу?, бида ирон мамби нгаа ниу?:

"Ши откуда экир".

Дяк.

Нэээза му? незау.

Сенру обу по канитау?, нгу по канитау?

Обуза дьдигон чикиза ет пиич нгартаза.

Сойзан шида пунир? ниу?, кунь пиитаза.

Тоз чикоз чики нэр онай нэ нгаа ниу? ань, мосашюз буниза пирис?.

Онай база чики ер(?) нодо?оза.

Нотсутузау.

Ингиз? нодус?.

Онай нэр мана мань:

"Энъчу?, обу кубунэт дьзумат шер тона энъчу? мотьтат, энъчигиз педокозот катанизоу, тын чузот".

Чики оласнэр бида ирон мана ниу? ань:

"Чики ань обу тохар?

Ты? обу чики".

Оласнэ кукоз кооза ты? обу ээ, педа обу ээ, куба обу ээ.

Кукоз кодаза оласнэ?

Оласнэ мань бида ирон мана:

"Тохоз кун???" эзкуда, обу чики?

Педа ашь обу?

Куба обу, ты? обу?

Тыдуч каатанит нгаа ниу? ань.

Куниру ет ибута му? чики оласнэ.

Ань оласнэр ань дязуч кань.

Чи нэкуй обу тэнэшь, ку канита?

Муга мин, Оласнэ мез мин тунын нгаа ет.

Сэн дъриза касоритам.